

Philippe Marchand: «Lehenago edo geroago negoziaketak egongo dira»

Frantziako Barne ministroa ETaz mintzo da 'El Pais' atzo kaleratu zuen elkarrizketan


Philippe Marchand, Frantziako Barne ministroak dioenez, «zaila da politikoa ez den irtenbidean pentsatzea eta lehenago edo geroago negoziazioak egongo dira». ETA eta kooperazio polizia mintzo da Marchand, eta GALen atentatuaren amaiera Polizia frantziarraren «emaitza onei» lotu dio.

DONOSTIA

Duela bost hilabete hartu zuen Philippe Marchandek Frantziako Barne ministro kargua, eta ordutik hona hiru bilera egin ditu Jose Luis Corcuera, Espainiakoa bere kidea-ekin, kooperazio polizia hitzegiteko. Atzo Frantziako Montinac herrian bi gobernuetako hamar ministrok hasi zuten gailurrean elkar ikusi zuten berriro. Iturri ofizialek diotenez, ez da ETaz hitzegingo, baina badirudi frantziarrek interes berezia dutela GALen kontrako epailetan.

'El Pais'ek atzo kaleratu zuen elkarrizketan, Marchand ministroak ETA eta Espainiako Gobernuaren arteko negoziaketaz, GALi buruz eta kooperazio polizia hitzegiten du.

Espainia eta Frantziako polizien arteko kooperazioa «eredugarria» dela dio ministro frantziarrak eta informazio eta funtzionarioen trukea etengabea dela. «Medio oso inportanteak eskaintzen dizkiogu terrorismoaren kontrako borrokari eta lortu berri dugun emaitzak dira ho-



Duela bost hilabete hartu zuen Marchandek Barne ministro kargua.

BOB

rrer frogaz» azaltzen du Marchandek Ipar Euskal Herrian egin dituen azken atxilotetak gogoratuz.

«Esan denaren kontra, Artapalo ez du inoiz atzeman Polizia frantziarrak. Bera atxilotzea gure ikertzaileen helburu nagusietako bat da, baina Artapalo klandestinitatearen profesionala da» dio Barne ministroak Francisco Mujika Garmendia zergatik ez duten oraindik atxilotu galdetzen diotenean. Bere ustetan,

Frantziatik kanpo ere ibiltzen delako susmatu daiteke «bere kideen jarrera kontutan hartzen badugu».

«NEGOIZAZIOAK EGONGO DIRA»

ETA eta Espainiako Gobernuaren arteko negoziaketek buruz, «zaila da politikoa ez den behin-behineko irtenbide batean pentsatzea» dio Philippe Marchandek. «Lehenago edo geroago negoziaketak egongo dira,

✓ «Artapalo ez du inoiz atzeman Polizia frantziarrak, nahiz eta bera atxilotzea helburu nagusietako bat izan»

baina ezingo dira aurrera eraman bonben presiopean. Negozia eta horiei ekin aurretik beharrezkoa da ETak suetena erabakitzea» uste du.

Iparretarrak eta ETA «mugimendu oso desberdinak» direla uste du Marchandek, aipatutako egunkariak kaleratutako elkarrizketan. Bere hitzetan, «IK-ren atentatuak ez dute inoiz ETaren biolentziarik izan, helburu turistikoak dituzte, eta hori gertatzen da, Pais Vasco Franceseren garapen ekonomikoa beraiek duten ideiarekin ez datorrelako bat». Egoera larria dela eta, horrekin amaitzeko agindua jaso duela Poliziak azaltzen du Barne ministroak.

GAL-EN KONTRAKO LANA

«GALen atentatuaren amaiera Polizia frantziarrak lortutako emaitza honek lotzen diot nik» azaldu du Philippe Marchand-ek. GALEko zenbait kide Frantziako poliziak agertarazi zituela eta Justiziak kondenatu egin zituela euskal errefuxiatuen kontrako atentatuak burutzeagatik, gogoratzen du ministroak.

Bestalde, Jean Marc Dufourg polizia inspektore ohiak, GALi informazioa emateaz Polizia frantziarrari egin dizkion akusazioen ildotik ez duela ikerketarik agindu azaltzen du.

Oreja: «EAJ eta PSOEn arteko negoziaketa behartua da Araban»

LUIS KARLOS GARCIA / GASTEIZ

PSOE eta EAJren arteko «akordioaren globalizazio gogorraz» mintzatu zen atzo Gasteizen Jaime Mayor Oreja EAeko PPko lehendakaria. Bere ustez, aipatu paktua oker dabilela «bistakoa da Araban gertatu dena ikusirik, jeltzale eta sozialistak negoziaketetan ari bait dira, nolabait behartuak bailiran bezala eta EAeko estrategia orokorrerako beste irtenbiderik ez balego bezala». Araba, Bizkaia eta Gipuzkoako «ezberdintasun nabariak» direla eta, tokian tokiko «bestelako formula politikoak» eratzearen alde agertu zen Mayor Oreja, «hautesleen borondatea era egokiagoaz islada zedin».

Hala eta guztiz, egoera politikoa «desdramatizatu» beharra dagoela esan zuen eta EAEn dagoen mapa politikoa «sinplifikatzeko» beharri-zana ere bai, Orejaren iritziz, «alderdi gehiegi izatean, borondate orokorra ez delako behar bezala ordezkatzeko». Sinplifikazio hori esplikatu asmoz, «nork bere esparru politikoa sinplifikatzeko beharra» adierazi zuen.

EAeko PPko lehendakariak aipatu zuenez, Unidad Alavesak atera zituen botoak «EAJ eta PSOEn paktua sendotzeko besterik ez dute balio izan, eta aldi berean, Bizkaia nahiz Gipuzkoara hedatzeko ere bai». Ondorioz, lortutako botoak baino garrantzitsuagoa da, «akordioetara iristeko gaitasuna» Orejaren esanetan.

UAren adibidea jarri zuen, PPren alderatutik. «Partido Popularrak gestio-esparru zabalak hartu ditu Donostian, bost zinegotzi baino ez zituela. Aitzitik, UAK zazpi zituen Gasteizko Udalean eta oposiziara igaro da erabatekotasunez».

HB Gernikan izango da asteartean Bizkaiko egoerak «hala eskatuta»

M.A. / BILBO

Herri Batasuna Gernikako Juntetxean izango da datorren asteartean, Bizkaiko Diputatu Nagusiaren aukeraketa egunean. Horrela azaldu zuten atzo Bizkaiko Batzar Nagusietako partaide diren Jose Ramon Etxebarria, Josu Barandika eta Julen Aginakok. Bestalde, asteburu honetan Bizkaian informazio publikoko kanpaina prestatuko du HBk, eta herrialde horrek bizi duen egoeraren berri emango du.

HBko batzarkideen eleduna den Jose Ramon Etxebarriak adierazi zuenez, «erabaki hori Bizkaia bizi duen egoera sozio ekonomiko larriagatik hartu dugu eta Juntetxean gure iritzia, asmo eta alternatibak azalduko ditugu».

Garrantzitsua iruditzen zaie Batzar Nagusietako HBko kideei astearteko ekitaldian parte hartzea, «Bizkaiko langile, langabe-

tu eta bazterturik dauden sektore guztiek gure herrialdeak bizi duen geldialditik ateratzea beharrezko bait dute, eta are gehiago EAJ-PSOEn arteko lau urteko gobernuaren ondoren» azpimarratu zuen Aginakok.

EAJ eta PSE-PSOEek gauzatu duten akordioa «Bizkaiko errealitate abertzale eta langilearen aurka doa» Etxebarriaren ustetan. HBko kideak gogor salatu zituen Praderak Batzar Nagusiak osatu ziren egunean Gernikan egin zituen adierazpenak, «beraien paktutik aparte geratu diren 25 udaletxek larriak ikusiko dituztela esatea bizkaitarren aurkako mehatxua luzatzea da» esan zuen, eta Praderak gustoko ez dituen udaletxeak «ito» nahi dituela azpimarratu zuen.


HBko kideen ustetan, Pradera «ez da bizkaitarren dirua gobernatzeko pertsona egokiena», gertatu ez diren orain arteko Diputatu Nagusiaren diru-zuloak direla eta.

Ardanzak ez du Goikoetxea zesatzeko asmorik Altsasuko alkate izateagatik

GASTEIZ

Jose Antonio Ardanza, EAeko Gobernuako lehendakariak ez du Jose Manuel Goikoetxea Nekazaritza kontseilaria kargutik kentzeko asmorik, honek Altsasuko alkate izateagatik. Jose Manuel Goikoetxea, egungo Gasteizko Gobernuako Nekazaritza kontseilaria, EAJ, EA eta EEK kontsentsuaturiko zerrenda baten buru aurkeztu zen Altsasun, hiru zinegotzi lortu zituen. HBk lortutako biek, eta herri zerrendek lortutako beste biek, PSN-PSOEko hautagaia baztertu zuen Goikoetxearen zerrendak.

Nafarroa eta Euskal Autonomi Elkarteko alderdi sozialistaren buruzagiek beren adostasuna agertu dute eta PSE-PSOEek Gasteizko Legebiltzarrean lehendakariari galdetzeko asmoa du, ulertezina iruditzen bait zaio «HBren botoekin alkate izendatua izateko erreparorik ez izatea, HBk Ajuria Eneako Paktuaren



Jose Manuel Goikoetxea.

kontrako printzipioak dituenen».

Horrez gain, PSE-PSOEek zalan-tzan jarri zuen Goikoetxeak aldi berean bere gain hartzea kontseilari ardura eta Euskal Autonomi Elkartetik kanpoko herri bateko alkate ardura.

Vasco Press albiste agentziari, Ajuria Eneako iturriek jakin erazi diotenez, Ardanza lehendakariak ez

du inolako asmorik Nekazaritza kontseilaria kargutik kentzeko eta gainera oso pozik dago bere kontseilari bat Nafarroako herri bateko alkate izateagatik. Hauteskunde aurretik, Goikoetxea eta Ardanza akordatu zuten bai zinegotzi zein alkate izanez gero, bi ardurak konpatibilizatu beharra, aipatu iturriek gaineratu zuten.

Jose Manuel Goikoetxea, Herri Batasunaren botoei esker alkate izateaz egindako akusazioei buruz, aipatu iturriek boto horien bila ez dela joan: «Aurkeztu zen hauteskunde elkarrekin bere hautagaiari emango ziola botoa jakin erazi zuen. Gero gertatu dena, bai HBk eta bai beste talde batzuk erabaki zutela Goikoetxea apoiatzea, hautagai sozialista alkate atera zedin ebitatzeko, baina inolako gestiorik edo akordioarik gabe».

Bi tokitan aritzeak ekar lezakeen arazoei buruz, Ajuria Eneako iturriek lege aldetik ez dagoela inolako oztoporik azpimarratu dute.